



無題詩序

猶子心穀從患難中發憤著書所為詩多與古人相類  
頽其花影集經滄洲先生序而傳之暇搜篋衍又得無  
題詩如干首謁予為序予惟有梁鍾仲偉謂張司空文  
字務為妍冶疏亮之士恨其兒女情多僅置中品似矣  
竊謂司空千篇一體謝康樂嘗以為譏若以華艷為說  
不免過甚夫屈騷佩纓寔山榛隰苓開之古人興託有  
在固不必因夢中蘭若并疑及楚天雲雨也新城王西  
樵喜作艷體有誠之者西樵曰是特阻吾兩廡升牢耳  
鈍翁說鈴載之余謂西樵蓋謬作是語其寄託有無事



自明者心穀固學道人從坎壈中得禪悟者九年矣豈  
誠以瘁音弗華乃以描脂繪粉自娛悅耶昔王右丞抗  
行周雅輞口元談克踐摩詰之跡而洛陽女兒閨人春  
思諸篇餘力猶及焉東坡與僧潛詩云多生綺語磨不  
盡尚有宛轉詩人情夫詩人之情六何限哉心穀出之  
宛轉蘊之遙深庶幾香草美人共成千古若叢臺崑體  
已成潭底蟾光矣心穀年甚富讀書日益多他日撰述  
當更有進於此者老人將重為序之康熙五十九年歲  
次庚子長至後二日初白庵主慎行

無上

題辭

都識僧繇是畫師哀蟬落葉鬢邊絲高樓一夜夢難就  
玉笛飄翻織錦詞黑海沉雲隔雁魚偶依香草說三  
閭莫邪原是干將匹早有祥光照斗墟脩亭錢陳羣  
京城三月多名花紛紅駭綠烘朝霞紫絲步障遮白日  
黃金鑄屋藏嬌娃想君生長長安陌慣見傾城傾國色  
日醉佳人錦瑟傍不惜將身為花擲胡為昨朝翻被憎  
結庵乃以花影名得非紅薑故饒舌阿師与苍豈有情  
師聞我言一咲哂我却因師發深省須知有影原有花  
不如無花自無影昨日讀君無題詩前身是花更不疑

新詩六復花影似道是無題還有題明日從師訪庵主  
試聽寒山下轉語請君放下明鏡臺請君叅取菩提樹  
弇山王霖

卅對鴛鴦句絕奇

有和玉谿生七律  
六十首尤稱茂美

美人香草有餘思從今

棗木流傳遍不唱王家疑兩詞絕無人處絕無言公

案頭叅不二門咲煞批紅同抹白紛紛枉自學西崑

釧影釵聲跡已陳半生蕉萃苦吟身抽帆若過桃花隲

金字碑邊話夙因十里明湖碧玉流笙歌叢裏鬥觥

籌題詩觸忤當年夢不信人愁我亦愁槐塘汪沅

搗月按香舊事空曲屏虛幌夢重重三生盟約都入落

花風 楚國枌蘭原易怨燕臺詩句獨能工琵琶絃索  
何日付玲瓏 調寄琴調相思引柘坡萬光泰

繡佛同齋佳人共瑟逃禪避世閒為客莫嫌綺語墮塵  
根洞花幽草良緣結 月惱難禁酒消不得白頭豪氣

還如昔喚他三十六鴛鴦杏花風裏聽吹籥 調寄踏

莎行對鷗陳皋

蔗塘未定稿

宛平 查為仁 心穀

無題詩上

予跼伏花影庵中心灰形槁六時清課惟楞伽堆  
案而已此卷游戲為之頗蹈綺語之過然昔賢謂  
知梵志翻著襪法始可作無題詩知九方甄相馬  
法始可論無題詩率爾操觚未窺奧旨殊乖體裁  
若云殘登神女之聞香驗梵鉢提之知味則予所  
隔尚不止由旬也

秋水

秋水滿迴塘芙蓉自幽獨半歛夕陽時艷光奪人目清  
風飄然來波紋漾羅縠碧葉掩映間餘香流馥馥咫尺  
千里遙長遣眉峰蹙

策馬巫水陽連峰落倒影明月浸碧波要眇非人境遙  
見神女來風吹衣裾冷問我從何方翩翩獨馳騁折贈  
青蓮花佩之堪駐景感激盼睐恩寸心長耿耿

惻惻有所思萬里隔吳越豈曰無鴻鱗三年音信沒共  
飲江中水同看天邊月不堪明鏡中漸見生華髮  
昨日已云逝今日不可留一日復一日百歲如浮漚懷  
璧擬贈君道里阻且悠不及黃姑星良會期新秋

無上

幽燕八九月滿地飛清霜百卉俱摧敗誰念春時芳可  
憐一寸心同此腐草傷腐草猶不泯化為螢火光

雕籠鎖雙禽雌雄長相守意氣雖不揚未至離其偶吾  
生獨何為壽無金石久年年賦索居秋風又衰柳

夜半涼風生羅衾煖不足一牕明月光羈人常刺促何  
當玉簫韻總是相思曲

幽窻聊假寐飛夢天之涯美人如有約一徑臨其家促  
膝話別情喜極翻成嗟彈琴復飲酒荏苒惜年華隣鐘  
苦摧破愁對櫻桃花

三五採蓮女倚楫橫清江相將剖蓮子細數誰成雙行

吟忽相見愁緒正難降

有客話天台山水真悠然桃花亘雲際溪澗流澦澦彷彿煙霞裏鸞雀常盤旋玉洞杳難覓隱隱雞犬傳吾聞三歎息何日離塵緣伊人別來久無乃往成仙

有憶

曉風裊裊湘簾動幾樹桃花迷玉洞竹龍木馬杳難期芳心闖作天涯夢畫閣珠樓千萬家家紅紫爛雲霞不知何處調琴手遠送清音出絳紗萬重烟水萬重山款乃聲中去不還依稀一帶江皋竹誰灑相思血淚斑迴塘百畝環畫閣挾雨驚雷特地作暑氣全消復冷然

無上

恍疑身向蓬壺落此時池館悄無人檢點蠻箋迹未湮畢竟姻緣休作假浮生何事本來真菡萏新開立曉烟霎時風折墜清川最憐荷葉田田好也被吹殘不得圓呼童斫去芭蕉樹啼風嘯雨愁無數不似當初共聽時幽窻清韻添佳句碧天如洗銀河長踈星滴滴搖光芒牽牛織女自歡會那知孤館羅衾涼昨夜金飈聲獵獵清江一望蒹葭接擁鼻行吟詩乍成庭前正見飄紅葉瑣牕未曉清光徹起視園林沒凹凸邃房燠館豈知寒孤鸞隻鳳啼猩血憶昔雙棲在畫樓湯湯飛絮唱還酬金盃肖捏狡狴進玉手親為製綵球縹緲巫雲去不迴

霞衾愁寐楚王臺梅花纔放蘭新茁彷彿風神憶我來

江流

江流浩浩無時窮巫山高插青雲中荒烟蔓草襄王宮  
可憐神女如飄風如飄風今何在去莫留來莫再人間  
別易良會難古今同盡誰寬貸

碧梧幾樹當高樓樓前簾控珊瑚鈎簾中常有人梳頭  
梳頭人去經三秋魚沉雁杳音難求音難求梧桐葉衰  
老入夜風颭颭簾衣半零落塵土封盤虬夜深不忍上  
樓去一樓明月寒光流黃塵清水非悠悠此生誰免蓬  
蒿邱解道吹簫乘鳳好長教攜手棲瀛洲

無上

高城二首

高城寒雨夜處處集鸞鳥坐惜桐花老寧知鳳影孤和  
鳴無與應文采共誰娛極目知音杳猶勞夢裏呼  
尚憶池亭側同消夏日長藕絲拴蛺蝶蓮子打鴛鴦風  
景何遷次音書漸渺茫不成奔月去應許覲清光

和半村韻十二首

最是銷魂處庭梅索咲時雪痕肥嫩蕊月影綴高枝小  
閣微醺酒雕闌共賦詩疎香無限好消受總仙姿  
最是銷魂處初聞賣杏花小樓回蝶夢細雨濕牕紗燕  
子重尋壘鸚哥正喚茶臨粧惜春色小插一枝斜

最是銷魂處風枝亞露桃玉人相映立蜂蝶不飛高遲  
日歌新曲春風試彩毫蓬山非海外無自入塵囂  
最是銷魂處園亭開牡丹晴霞千朵集彩鳳萬枝攢浥  
露疑沉醉迎風似怯寒隔花聞笑語姊妹凭闌干  
最是銷魂處安榴照眼明衫裁蟬翼薄裙着藕絲輕覩  
貌真成玉吹簫更愛瓊晚來臨月下如聽步虛聲  
最是銷魂處芙蓉滿沼妍綠雲低映水香霧暗薰天避  
日來亭下迎風向柳邊摘將荷葉小盛取露珠圓  
最是銷魂處秋庭綻海棠幽姿愁日映嫩葉怯風狂脉  
脉宜相對亭亭想正當偶然堦下立邢尹却成行

無上

最是銷魂處香飄桂滿樓冰輪常皎皎隣籬自悠悠未  
覺羅衣薄還耽團扇幽酒闌微有問莫負以中秋  
最是銷魂處霜腴菊正開繽紛陳數種幽艷絕纖埃林  
下風常在籬邊句好裁捲簾人比瘦吟罷憶仙才  
最是銷魂處風光值小春應時羣鳥喚借景百花新繡  
閣蜂還入粧樓蝶更親夜來和氣集庭際看冰輪  
最是銷魂處盆花見水仙洛妃遊夜月素女感朝烟態  
自芝田見名從蓬島傳粧成相對坐未許定誰妍  
最是銷魂處天寒春未賒雪莖憐蕙草紅蕊識山茶儘  
有園林趣何須富貴家四時花盡好只是遜如花

和寶厓韻二首

嬌鶯啼斷畫樓東，獨倚危欄對晚風。  
未了姻緣歸夢裡，無邊光景譜愁中。  
傷心芳草連天碧，極目明霞映水紅。  
天水迢迢人更杳，癡情猶擬鳳簫通。  
閒來每憶乍相逢，宛轉湖山臺榭重。  
仿得新粧裾繞鳳，梳成時樣髻盤龍。  
樓頭玩月誰家笛，花下闌題何處鐘。  
到底仙源留不住，劉郎惆悵去無從。

和綏山主人原韻

庭花零落付蒿萊，獨立階除印綠苔。  
榆莢已隨人散去，柳綿還共燕飛來。  
分釵再合憑鸞信，破鏡重圓候蚌胎。

無上

不似銀河縹緲隔，劉郎曾記到天台。

來似飄烟去杳然，金鈿留在小於錢。  
迷離巫峽三更夢，恍惚高唐一夜眠。  
塞雁斷書無計問，林鶻啼月有誰憐。  
赤繩千里如還繫，何日燈前話舊緣。

干霄松柏植何時，誰遣菁蔥附兔絲。  
正擬比肩長作合，翻成背面各相思。  
營巢燕集華堂棟，出谷鶯遷上苑枝。  
惟有蘭香留不得，寂寥庭院更誰知。

禁愁無計祗堪嗟，節序頻移感物華。  
長鎖眉痕同柳葉，酷憐人面仿桃花。  
題詩曾過貞孃墓，繫馬還尋蘓小家。  
爭似翩然成彩蝶，遙隨春色訪天涯。

女媧再世豈無緣鍊石難脩離恨天帝子湯勞臨洛水  
宓妃虛擬坐芝田傷隨春至花偏艷悲共秋來月更圓  
浪說長房能縮地凡材無路覓神仙

春陰漠漠杳難尋金屋藏來何處深竹上更無新咏句  
花間猶拾舊遺簪非關韞玉連城價獨感翹材一寸心  
自遇鍾期塵俗外不辭流水奏瑤琴

連宵獨立想佳期但見流螢高復低難洗愁根虛縱酒  
懶抽心緒尚題詩楊枝何怨辭居易桃葉多情待獻之  
緣淺緣深誰預識須從月下問紅絲  
近今消瘦比湘雲卧病東陽嘆離羣曾許瑠簫同引鳳

無上

無上

竟無錦字寄迴文巧憐鶯轉思歌韻艷對榴開憶舞裙  
甘向成都來賣酒當壚可否倩文君

從別嬋娟何處看憑誰枕我到邯鄲香消不信重衾煖  
酒醒難禁孤館寒剝到蕉心終展轉嘗來梅子只辛酸  
痴情湧卜他生約已負樽前似月圓

未拜星橋勅合恩盈盈空自憶天孫鴛鴦枕上猶凝淚  
楊柳風前欲斷魂紫玉定知韓重在綠珠寧負季倫存  
他年重各追離恨親驗眉峰蹙損痕

代作

闔閭城北席邱東水碧山青花木叢漁父休疑武陵渡

仙人長在蕊珠宮玉簫有恨吹明月斑管含情吟好風  
阿母幾多珍重意只愁飛入彩雲中

曾携仙棹過吳淞路入烟霞知幾重自有腰肢欺弱柳  
好將眉黛鬪晴峰一時驚降蘭香駕千載重來西子蹤  
玉色珠光真絕代馬卿僥倖在臨邛

烘簾晴色閤銀缸聞說梳頭傍瑣窻芍藥籠烟原一朵  
芙蓉對鏡恰成雙閑翻線帖尋花譜親擘絨絲繡佛幢  
半晌停針無一語芳心底事有難降

幸托劉盧親一絲稱觴同集習家池畫樓虛敞延佳客  
繡幙微開見淑姿襟抱春蘭消雪後丰神秋水淨烟時

胡天胡帝心如醉賦就高唐那得知

挂席

挂席春江去茫茫天一涯春風雖有信不敢問梨花

迴廊四首

乍出迴廊外還經密樹中身輕如蛺蝶飄漾入花叢  
茉莉嬌如雪幽蘭香可誇晚粧宜草草猶戴一頭花  
小病連朝卧新晴強起床窺簾微掠鬢韻在不成粧  
艷曲成還秘新詞填懶謔不將人一看私自教鸚哥

對鏡

對鏡粧成只自看果然嬌絕可忘餐盈盈一尺蘇州髻

簪得全枝玉鮫蘭

趁取新涼早卸頭側眠冰簟曲如鈎花香却把肌香掩  
斗帳重懸茉莉球

記得五首并序

風雨篝燈清宵漏永有客追述往事感慨歎吁

屬賦五詩以摅其恨

記得仙槁第一家雕闌深鎖牡丹芽春風信是多情思  
曾引游蜂到碧紗

記得雙扉花底開暫因青鳥許徘徊驀驚月殿無人管  
却放嫦娥下界來

無

記得相逢淺淡粧艷光的的奪珠光當時底事頻回顧  
從此風花總斷腸

記得長空下塞鴻赤繩微示一絨中可憐費盡裴航力  
望斷藍橋終未通

記得歡娛記得愁恍然一夢願難酬白沙翠竹今猶在  
留與三生話舊遊

和友人韻

孃孃居仙館盈盈倚畫樓未呈心鏡月頻度眼波秋咳  
唾疑遙和寒暄詎顯酬對人佯掩面離步更回頭閒處  
曾微咲叢中似隱憂不教窺是否早已露因由欲近偏

先遠將辭却故留痴魂真欲斷幻病總難瘳可怪無虛  
實猶憐有逗遛菱花何處採脉脉不勝愁

蔗塘未定稿

宛平 查為仁 心穀

無題詩下

和王溪生原韻

恨不將身學御風海天無際任西東幾年離緒終須慰  
萬仞愁城頃刻通鍊骨未能成髓綠燒丹空想駐顏紅  
因循絕似逃名客滿髻飄蕭自詠蓬

待假精藍暫息蹤閑翻貝葉趁魚鐘愛河應藉恒河瀉  
梵語難支綺語濃聽鳥生憎秦吉了看花偏遇木芙蓉  
悄然情緒歸何處水遠山遙去幾重

尋思往昔定情來，彤管蜚聲起蟄雷。謝女吟詩聞欲避，  
班姬作賦見應迴。丹黃錄士虛循典，紅粉衡文實愛才。  
雖向樓前看落紙，此心仍作復然灰。  
窄警清宵閉目難，夢初圓處每驚殘。咿呀天半征鴻慘，  
撲簌庭前落葉乾。曾是好風明月夜，只教孤枕薄衾寒。  
屏山誰寫秋江別，一種離情掩面看。  
異香數贈錦囊重，密緝偏憐背地縫。往日歡娛愁易老，  
於今隔絕悵難通。非無舞女如原碧，亦有歌兒賽小紅。  
爭似石家金谷豔，傾城一笑倚春風。  
猶記年時開袂堂，騰騰夢覺不知長。巫雲深處苗神女，

無下

仙路重來誤阮郎，物外姻緣皆幻迹。人中蘭蕙有奇香，  
此身終合為情死。省取瑯琊語未狂。

再和

寂寂閒庭淡淡風，暖絲無力任西東。舟經蓬島吹難近，  
鶴在遼天信莫通。柳色帶烟凝舊綠，桃花經雨綴新紅。  
雙雙蛺蝶渾相逐，觸撥心情類轉蓬。

蕭寺初逢仙子蹤，至今愁聽五更鐘。傷多莫恠風情減，  
吟苦翻嫌詩思濃。夜雨闌心含豈蕊，秋江觸目醉芙蓉。  
書成花葉憑誰寄，惆悵雲山隔幾重。

輕寒惻惻燕飛來，驚笋時聞送凍雷。花氣暗薰天欲曉，

鶯聲重喚夢初迴寂憐月外聞琴語每到風前憶笛才  
從古知音難再得春心爭忍便成灰

滿目詩情覓句難曉雲欲散月初殘亂揉柳線風猶劣  
暗沁梨花露未乾無計共消春酒煖經旬獨覺夜燈寒  
休文更道腰圍減只恐重逢不忍看

園林繡出錦重重應費天孫八繭縫可惜韶光三月暮  
更無青鳥一緘通畫眉奩在螺猶碧記曲樓空豆自紅  
底事相思不相見彩雲吹盡逐飄風

青春無賴去堂堂空爇爐烟一縷長綠葉成陰悲杜牧  
元霜搗盡羨裴郎忘憂萱草難舒綠解語桃花漸減香

無

搔首風前無限意幾回歌哭豈知狂

三和

心如柳絮逐天風飄蕩廊西與閣東簾底並棲情轉劇  
帳前雙咲事難通雲埋月影終須白淚染榴花到底紅  
祇恐伊人知我意髣髴先歎九秋蓬

縹緲仙源訪玉蹤無端吹送隔溪鐘坐餘蠟蕊迎風施  
夢濕桃花帶雨濃交頸窻前金睡鴨並頭屏上玉芙蓉  
不知今夜多情月去上樓臺第幾重

已過瓜期尚未來空聞油壁響輕雷半生虛境何多可  
一日牽腸費幾迴易繪仙姿難繪意縱如風貌孰如才

堅心自問逾金石宵信將來付劫灰  
鏡裏花枝欲折難離情無賴只摧殘  
高梧暑去蟬唵斷小閣秋來螢火乾  
形影怕聞孤雁唳風波愁對一江寒  
年年短盡英雄氣羞向燈前拔劍看  
帶雨含烟柳線重不將池面縠紋縫  
濃愁只合千絲結芳訊難憑一札通  
點屐踏來花影碎凝眸立盡夕陽紅  
誰家六有飄零恨吹徹關山笛裏風  
瓊窓珠戶鬱金堂宛轉流蘓匝地長  
未必歸寧訕謝女曾無夢魘喚江郎  
荆山終古逢良璧海國千年得異香  
從此蹉跎非細事窮途莫怨阮生狂

四和

作團蛺蝶舞春風粉翅曾看曝檻東  
豈有滕王圖畫好偶然莊叟夢魂通  
驚開岼柳籠烟碧穿過林花含露紅  
惆悵江潭憔悴客朝朝覽鏡歎飛蓬  
猶憶黃昏驀地蹤相携話到內明鐘  
乍看竹徑蟾光映轉訝花梢露氣濃  
啟匣有情留翡翠褰帷何計慰芙蓉  
香車一別無消息腸斷湖山千樹重  
恍似漁陽鼙鼓來春陰忽動一聲雷  
雨中並坐鶯愁濕風裏交飛燕急迴  
微物有情皆戀偶美人多怨却憐才  
湘南海曲皆堪竄只有丹心總未灰

相見知如蜀道難一更更數到更殘梧桐院冷風敲瘦  
函首池枯月影乾千里豈諳相憶苦幾年難遣半衾寒  
多情莫作休文比瘦損應同野雀看

裁成錦字裏重重更入奚囊蓄意縫樹上青鸞無路覓  
門前黃耳幾時通為言雲鬢難長綠已負桃花經歲紅  
不是伊人真解事肯將憔悴倚春風

才子應推玉茗堂風流樂府引情長玉魚携出人間世  
鈿盒酬來夢裏郎遺畫真成無價寶柔腸即是返魂香  
幾番讀罷添恹悵題上蠻牋笑老狂

五和

無下

休恠鶯聲怨曉風好花吹盡玉欄東須知命薄田難住  
可信天高叫莫通明鏡漸移雙鬢綠愁顏能駐幾時紅  
年來消盡窺園想仲蔚從教滿徑蓬

夢散如雲莫可蹤黃昏凝想到晨鐘半規月印眉痕曲  
一縷霞分衫色濃曉帳春煙籠芍藥夜燈晴旭照芙蓉  
回頭錯喚分明在知隔屏幃十二重

謠詠何由特地來空腸終日走車雷咲啼不敢心原苦  
嗔愛無端意忽迴邢尹別時虛國色班揚老去少奇才  
兩心願得如烟篆同守金爐萬轉灰

萬斛離愁欲話難擬箋青帝又春殘苦思似繭縲難盡

清泪如鉛搵未乾燕子辭巢尋社約  
麥花秀隴釀秋寒  
喧傳滿市多奇卉  
祇覺江梅獨耐看

縷金箱疊繡衣重  
記得春葱深夜縫  
繪事欲窮人事巧  
女工疑与化工通  
烏綠比翼頭難白  
花為同心色耐紅  
罷舞停歌經數載  
不堪重檢對東風

鳳笙龍笛寐華堂  
夢裏頻提信  
誓長定有離魂來倩女  
斷無歧路視蕭郎  
同功織就方為繭  
百和燒成始信香  
自愧情痴猶未極  
敢將哀怨托清狂

六和

大雅居然林下風  
聯吟常伴藥欄東  
別來祇有三秋感

無下

憶往從無尺素通  
塵外仙姿珠是綠  
閨中俠骨拂成紅  
長卿一自遊梁後  
踪跡誰知似轉蓬

非霧非煙夜半蹤  
徘徊曾不到鳴鐘  
頻來尚恠情難洽  
絮語猶嫌話未濃  
雙釧金寒籠玉腕  
淡羅衫薄襯秋蓉  
長生昔日盟何在  
回首翻成離恨重

獨卧空亭夢醒來  
滿池吠蛤響如雷  
桐陰布後花應盡  
乳燕飛時人未迴  
每憶明妃埋絕域  
誰憐張儉枉多才  
黑雲不壓愁城墮  
一片雄心半已灰

前程如漆去  
畝難心事何由問  
懶殘鸞鳳調笙聊自慰  
鷓鴣曲酒待誰乾  
柳絮別恨沿池裊  
水帶離聲入檻寒

數盡歸鴻無遠信晴嵐如黛倚樓看  
親寫庫年封幾重至今猶在臂間縫祇知玉宇高難接  
誰說仙槎竟可通月下不逢繩繫赤溝邊空望葉流紅  
閑來憶得如仙貌最愛亭亭立晚風  
契濶何由聚一堂游絲飛絮裊愁長已無畫舫攜西子  
空有斑駁悵陸郎步屨最憐金縷冷簪花偏愛寶釵香  
近今學得莊周術化作春駒栩栩狂

七和

道蘊如逢拜下風無矍才貌擅江東明珠論斛難為聘  
孤鳳含情許暗通袖上唾卷成紺碧襟前浥泪驗綃紅

無下

蒲塘正暖鴛鴦睡一夕狂飈跡似蓬  
渙火江楓寄客踪寒山寺裏夜來鐘驚回好夢如雲散  
觸起閒愁似酒濃展向風簾留玉樹拂開寒鑑浸霜蓉  
何能化作遼東雀去訪瑤臺最上重

十里香塵撲面來雕輪碾處似晴雷還宜小小湖頭住  
猶冀真真畫裏迴流水行雲誰解意楊花榆莢本無才  
人間信有黃金貴百鍊從教不肖灰  
苦憶其如休意難伯勞飛燕各摧殘須知客裏青衫濕  
未必伊行彩袖乾草色有情憐日暮花枝無賴怯霜寒  
近來憔悴休臨鏡莫說他人已怕看

無下

似霧如烟障幾重孤懷只合酒彌縫樓後蜃見原難上  
橋自虹成未可通仙嶠雨晴鸚鵡綠佛桑花落杜鵑紅  
知君撫景應多感禁得愁吟對曉風  
高捲湘簾月滿堂鰓鰓羈緒恨更長言愁自信如平子  
多病人稱似沈郎桃李成蹊終俗艷松筠無語自幽香  
苦心未化萇弘血聊托微詞寫我狂

八和

占得施家西院風效顰人只在村東三生石上盟猶在  
十里湖邊語莫通從別難描眉黛綠相思空對臉霞紅  
近今飄泊君休問江上浮萍天際蓬

曾省風姨夜半蹤送來一百八聲鐘心如酒旆懸難定  
眼似鰓魚睡未濃機上杳無紅錦字扇頭剩有墨芙蓉  
幾年岑寂誰能遣怕看橫陳繡被重

綢繆未雨為誰來譏刺紛如平地雷放棹已隨烟水逝  
揮戈猶想日輪迴洛川不遇傾城色鄴下寧傳曠代才  
昨夜焚香消歇盡撥爐幸有未寒灰

叢棘群鴉憇足難此生猶幸未摧殘歸慙蘓季裘空敝  
書上鄖陽淚未乾薄暮登樓頻極目入秋異地只心寒  
從來抱柱非癡絕為報當時國士看

低亞庭前花影重天然繡被滂勞縫幽情獨鎖園林寂

美景惟教鶯燕通千樹雲張晴幔綠一池月吐夜燈紅  
不知誰唱相思曲最是撩人昨夜風  
忽傳消息返華堂檢點琴樽軟語長詞客莫教思帝子  
歌兒須唱賀新郎歷殘荆棘頻年困纔放芝蘭一日香  
為囑勞人休悵望阿蒙原有舊時狂

九和

萬事俱成馬耳風王昌猶滯在墻東空憐弱水人難渡  
浪說明河查可通髡不經霜凋舊綠淚非關染墮新紅  
年來六翮傷殘甚不及飛揚空際蓬  
枕上依稀接舊蹤梳頭時候尚聞鐘綺窓影散雲光薄

無下

玉砌香飄露氣濃紀夢詩成招雁字羞花人去見芙蓉  
清秋風月橫塘路翻悔當時恩愛重

花從連夜盡開來廿四番風似迅雷青帝欲歸留不住  
玉人相隔悵難迴心窮要眇多竒境詩極淒涼見別才  
莫恠滄桑易遷變人間轉盼劫餘灰

未別何如欲見難相思積寸暗摧殘夢尋秦女簫聲咽  
書寄雲英花葉乾拈管愁吟香自盡停杯追憶酒重寒  
袖中不減三年字偷向燈前子細看

珠簾繡幙望重重愁似寒衣密密縫瘦盡詩情如賈島  
別來賦體擬文通魂銷舞榭蟾光皎腸斷糝臺燭影紅

松柏西陵猶侶昔同心人自結春風  
自許身登大雅堂悠悠詎肯繫情長  
夢後為雨來巫峽心許隨風到夜郎  
帝里爭看桃李艷湘皋獨采杜蘅香  
幾年潦倒誰相惜鸚鵡吟成賦合狂

十和

聽徹簫聲立晚風美人遙隔楚雲東  
未知離別何人始只怪僂兀無路通  
芳草有情依舊綠夭桃不語為誰紅  
沅湘遍訪虛蘭茝但見萋迷蒿與蓬  
靜倚熏籠自檢蹤六時細數自鳴鐘  
性情偏在蕭疎合形迹寧拘來往濃  
上已爭傳貽芍藥涉江何忍采芙蓉

無下

近今稍得真消息不隔蓬山一萬重  
未雨先知欲雨來南山之下殷其雷  
誰憐舞燕巢難定獨羨飛花去復迴  
八米傳來虛有譽三班黜去咲無才  
紅閨真有驪黃鑑自問情深爭忍灰  
待訪仙都豈畏難驚鴻鏃羽實傷殘  
巨鼈纔許排山去精衛空思填海乾  
幾度夢回銀漏杳何人吹徹玉笙寒  
壁間一幅滄洲景欲覓壺公縮地看  
名園誰列錦幃重雨線風絲天女縫  
南國繁華愁易盡東樓宴會恨難通  
有人能使烏頭白無計堪消鵝血紅  
贏得春來詩數首疊成方勝盼翔風

蘇東坡詩集  
何日重開白玉堂海枯應不抵愁腸多情險化山前石  
守信總知橋下郎嘗蔗到頭方有味種梅經雪始聞香  
長歌當哭悲於哭傷父何妨謂我狂



